



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 120. An & quando Communio danda sit amentibus, semifatuis, phreneticis, energumenis, surdis & mutis.

urn:nbn:de:hbz:466:1-42545

653. Notandum, quod, cum pueri per ætatem non habeant iudicium, quo sufficienter æstiment hoc divinissimum Sacramentum, raro admittendi sint ad Communionem, & non nisi quando aviditatem, & spiritualem quandam famem, ostendent, ac se diligentius solito prepararint, ne frequentia paulatim gignat contemptum & quoddam fastidium.

654. Q. 120. An & quando Communio danda sit amentibus, semisatis, phreneticis, energumenis, surdis, & mutis. R. Colligetur ex seqq.

§. 1. Perpetuò amentes, si baptizati sint, possent cum fructu suscipere Eucharistiam, nam æquiparantur infantibus, de quibus n. 645. dictum est: attamen non legitur datam esse illis Eucharistiam; nec dari debet, inquit S. Thom. q. 80. a. 9. in O, quia id prohibet Rituale Pauli V.

655. §. 2. In dubio, an adulti amentes utantur ratione, Schild. t. 6. n. 23. dicit non esse dandum Viaticum, sed Gob. t. 4. n. 173. 417. 418. melius dicit esse dandum, quia in dubio favendum est potius homini, pro quo institutum est Sacramentum, cum certò ipsi profit, & probabiliter possit etiam causare primam gratiam, si fortè homo ille in mortali esset, de quo saltem attritionem habuisset.

656. §. 3. Illis, qui usum rationis habuerunt, nec sciuntur amisisse in mortali, dandum est Viaticum, S. Thom. supra, & Catech. Roman. de Euch. c. 11. n. 2. Requirit tamen, ut prius ostenderit devotionem ad illud, sed Gob. n. 135. absolute dicit dari posse, quia censendi sunt voluisse, & probabile est in eo casu sufficere voluntatem in-
terpre-

interpretativam secundum dicta n. 170. Ideoque etiam *Dicast.* d. 9. n. 183. plus non requirit, quam quod aliquis ante amentiam bene vixerit, & bonus vir sit habitus, Addunt *Villal. & Tamb.* de *Comm.* e. 4. n. 4. contra *Baunium*, etiam aliquoties dari posse, praesertim si aliquam reverentiae speciem retineat. Hoc ipso autem, quod nescias amisisse usum rationis in mortali, praesume esse in gratia, quia potuit vel sine ulla vel cum levi tantum culpa amisisse, *Gob.* n. 151. cum communi. Econtrà, si certò scias paulò post mortale incidisse in amentiam, nec habeas positiva fundamenta poenitentiae, semel malus praesumitur semper malus, hinc non erit illi danda *Communio*, *Gob.* n. 154.

§. 4. Si moribundus nullum exhibeat signum doloris de peccatis, sed tantum conqueratur de doloribus corporis, attendi debet, an omnibus consideratis censatur compos mentis, si enim censatur compos, dandum non est *Viaticum*, sed habendus est pro impoenitente: Si non censetur compos, dari debet, nisi positivè constet esse in mortali, secundum jam dicta. 657.

§. 5. Adulti, si sint semifatui, vel debilem rationis usum habeant, obligantur praeccepto *Communio* paschalis, si judicentur capaces absolutionis, & absit periculum irreverentiae, *S. Th.* supra, *Tamb.* n. 4. *Bernal* d. 44. n. 66. *Lugo* d. 13. s. 5. *Gob.* n. 138. dicens ita sentire omnes, *Dicast.* d. 10. à n. 122., in his enim non est, cur expectetur plenior usus rationis, uti fit in pueris, cum in prioribus non sit spes plenioris usus: Et quod de semifatuis dictum est, magis valet de planè fatuis 658.

fatuis

fatuis tempore lucidi intervalli : additque Gob. se daturum semifatuis etiam omni mense.

659. §. 6. Si quis, non quidem perpetuò attamen à longo tempore hætenus stultus, cum aliis accedat ad scamnum communicantium, putat *J. Sanch. d. 38. n. 9.* præsumi posse habere lucidum intervallum, ideòque dari posse Communionem, sed rectè contradicit *Gob. n. 136.*, quia stulti agunt, uti simiæ, quod ab aliis fieri vident.
660. §. 7. Phrenetico aut deliranti, five ex mania five ex morbo, si quando alligatur, accipiat cibos, debet etiam alligato dari Viaticum, *S. Th. Aversa q. 8. f. 1. §. Quarto. Sanch. Dian. Gob. n. 115.* Si dubites, an reverenter susceptorus sit, proba in hostia non consecrata; si non succedat in una, proba in altera etiàmque pluribus: & si aliquam reverenter suscipiat, da etiam consecratam, *Laym. Castrop. Dian. Gob.*
661. §. 8. Quamvis aliquis in phrenesi dicat se nolle Viaticum, est nihilominus dandam, si probabiliter præsumatur voluisse, & absit periculum irreverentiæ, uti dictum est n. 176.
662. §. 9. Energumeni, etiamsi propter peccata priùs commissa obfideantur à dæmone, possunt post pœnitentiam cum fructu Eucharistiam suscipere, *S. Thom. ad 2. J. Sanch. d. 38. Aversa §. Quintò. Lugo n. 67. Dicast. d. 9. à n. 204. Rayn. in Heterocl. Spirit. Tom. 16. f. 1. p. 4. n. 44.* Ratio est, quia, quamvis in primitiva Ecclesia non fuerit usitatum, ideòque fieri non debere dixerit *S. Dionys. de Ecclesiast. Hierarch. c. 3.*, tamen non idèo nunc est prohibitum, præsertim post *Conc. Arauscanum I.* quod *Can. 14.* ita habet: *Energumeni jam baptizati, si de purgatione sua curant,*

vent, & se felicitudini Clericorum tradunt, monitisque obtemperant, omnimodis communicent, Sacramenti ipsius virtute, vel muniendi ab incurso demoni, quo infestantur, vel purgandi, quorum jam ostenditur vita purgatio. Pro hoc etiam auctoritatem SS. Cassiani & Prosperii adducit Dicast. supra: ex quibus inferunt Laym. & Gob. à n. 148. crebro illis dari posse, si hoc ad solatium spirituale conducatur, maximè autem dari debere pro Viatico & Paschate, quamvis demon impediatur, quominus profiteatur Christum præsentem, Laym. Gob. Lohner. Semper tamen abesse debet periculum irreverentiæ.

§. 10. Adultus, à nativitate surdus & mutus, 663.
est capax Eucharistiæ, quia infirmi potest per signa, ut sciat hunc spirituale cibum discernere à corporali, uti exempla docent, Sanch. Dian. Laym. Castrop. Gob. tr. 4. cas. 7., qui addunt dandam in Paschate & articulo mortis: an autem sapius, decernet Confessarius pro ratione intelligentiæ, modestiæ, pietatis, & aliorum, quæ in eo advertet. E contra si à nativitate sit simul mutus, surdus & cæcus, censendus est veluti infans aut perpetuè amens, cum nullo modo instrui possit, vel rescire de hoc Mysterio, unde illi non debet dari Eucharistia, Gob. Lohner. Denique si post usum rationis & instructionem aliquam factus esset surdus mutus & cæcus, secundùm Lohner dari possit illi sola extrema Unctio; sed non video, cur non etiam Eucharistia, saltem pro Viatico.

Q. 121. Quid notandum sit circa Communionem 664.
quotidianam. R. Authores fuerunt in hoc puncto valde divisi, teste Rhodis d. 1. q. 4. s. 1. §. 2. & 3.
Et

Et